



Služba za reviziju finansijskog poslovanja

Broj: 03-S-1/10

Sarajevo, 12.05.2010. godine

CENTRALNA IZBORNA KOMISIJA BiH O V D J E

PREDMET: Informacija o dostavljenim godišnjim finansijskim izvještajima političkih stranaka za 2009. godinu

Služba za reviziju finansijskog poslovanja se obratila svim političkim strankama aktom broj: 03-07-6-1881/10 od 12.02.2010. godine, upozoravajući ih na obavezu podnošenja godišnjeg finansijskog izvještaja za 2009. godinu do 31.03.2010. godine.

Političkim strankama koje nisu dostavile finansijske izvještaje, Služba za reviziju je 20.04.2010. godine uputila urgencije, čime im je Centralna izborna komisija BiH dala priliku da prije izricanja kazne ili preduzimanja administrativne mjere, prema odredbama člana 13. stav (1) ovog Zakona o finansiranju političkih stranaka dobrovoljno postupe i dostave finansijske izvještaje. Nakon upućenih urgencija, finansijske izvještaje je dostavilo 6 političkih stranaka.

Od ukupno 107 političkih stranaka, koliko ih je na evidenciji kod Centralne izborne komisije BiH, godišnji finansijski izvještaj za 2009. godinu, dostavile su 85 političkih stranaka, dok izvještaje nisu dostavile 22 političke stranke čime su prekršile odredbe člana 11. stav (3) Zakona o finansiranju političkih stranaka („Službeni glasnik BiH“ broj 22/00 i 102/09).

U prilogu je pregled stranaka koje su dostavile izvještaj (prilog br.1) i pregled stranaka koje nisu dostavile godišnji finansijski izvještaj za 2009. godinu (prilog br.2).

Bitno je napomenuti da među političkim strankama koje nisu dostavile finansijski izvještaj za 2009. godinu je 6 (šest) političkih stranaka, kojima je radi nedostavljanja finansijskog izvještaja za 2008. godinu i onemogućavanja pristupa prostorijama radi vršenja revizije od strane osoblja Službe za reviziju, Centralna izborna komisija BiH je izrekla administrativnu kojom im je uskraćeno pravo kandidovanja na narednim izborima, u ovom slučaju Općim izborima 2010. godine.

To su sljedeće političke stranke:

1. Zeleni Bosne i Hercegovine
2. DEPOS- Demokratski pokret Srpske,
3. Narodna Bošnjačka stranka,
4. Stranka Biznisa Srpske,
5. Brčanska alternativa – Brčko Distrikt i
6. Demokratski centar.

Također, za 4 (četiri) političke stranke sa Pregleda stranaka koje nisu dostavile godišnji finansijski izvještaj za 2009. godinu: Demokratsku patriotsku stranku, Slobodnu Srpsku partiju, Borački savez RS i Stranku „Za Prijedor“, Centralna izborna komisija BiH je nakon što je utvrdila da ne obavljaju

djelatnost u periodu dužem od jedne godine, uputila prijedlog Osnovnom sudu u Banja Luci za njihovo brisanje iz sudskog registra, u skladu sa odredbama člana 24. stav 1. tačka 5. Zakona o političkim organizacijama („Službeni glasnik RS“ broj 15/96).

Iako je po prijedlogu Centralne izborne komisije BiH do sada postupilo 11 (jedanaest) sudova i brisano je 65 političkih stranaka koje ne obavljaju djelatnost za koju su registrovane, Osnovni sud u Banja Luci i Općinski sud u Mostaru nisu brisali političke stranke. Osnovnom sudu u Banja Luci upućen je prijedlog za brisanje iz sudskog registra 69 političkih stranaka, a Općinskom sudu u Mostaru prijedlog za brisanje samo jedne političke stranke.

Prema podacima iz finansijskih izvještaja, političke stranke su se u 2009. godini finansirale iz sljedećih izvora:

- Članarina	1.174.336,41 KM	5,1 %
- Priloga fizičkih lica	1.299.127,64 KM	5,7 %
- Priloga pravnih lica	442.854,64 KM	1,9 %
- Prihodi od imovine političkih stranaka	813.530,89 KM	3,6 %
- Dobit od pravnih lica u vlasništvu stranke	211.086,91 KM	0,9 %
- Prihodi od poklona i usluga što ih stranka nije imala obavezu platiti	87.772,83 KM	0,4 %
- Prihodi iz budžeta	18.732.594,28 KM	82,1 %
- Ostali prihodi	64.539,59 KM	0,3 %
<hr/>		
UKUPNI IZVORI FINANSIRANJA	22.825.843,22 KM	100,0 %

U prilogu je data kompletna struktura izvora finansiranja po političkim strankama u 2009. godini (Prilog br. 3)

PRILOZI:

- Prilog 1 - Pregled stranaka koje su dostavile godišnji finansijski izvještaj za 2009. godinu
- Prilog 2 - Pregled stranaka koje nisu dostavile godišnji finansijski izvještaj
- Prilog 3 - Struktura ukupnog prihoda političkih stranaka ostvarenog u 2009. godini